



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

Quod liceat in aliquo casu confitenti prodere personam alterius, &  
exemplum de adulterio, cap. 31

**urn:nbn:de:hbz:466:1-13177**

**D**VM essem, inquit, plebanus apud sanctum paruum Martinum in Colonia, quidam ex parochianis meis vir honestus, cùm die quam cuiusdam concius & amici sui domum solus intrasset, & vxorem illius solam in gradibus solarij reperisset, amplexibus atque osculis ipsius ad libidinem inflammatus, cum ea contra propositum peccauit mox ad me, quasi hausto veneno, currēs de fonte confessionis bibit, venenum expuit, pœnitentiam suscepit, & adiecit; Domine, ego personam vobis exprimā, femina turpis est, & multos corrumpit, & certum mihi est, quia peccatum illud minimè cōfitebitur. Tempore verò quadragesimæ veniens illa magis ex consuetudine, quam ex aliqua contritione, peccata quam minima ac quotidiana mihi confitens, adulteriumque omnino subticens. Ego, non immemor peccati mihi confessi, cùm nollem eam confundere, neq; confitentem prodere, dixi; Domina ite modò, & eas reuertimini, intetimque dicite tres orationes Dominicas, quatenus Deus illuminare dignetur cor vestrum, ut dignè ac plenè confiteri possitis peccata vestra. Illa vadens, & in craftino rediens, nil adiecit, sed tantum peccata priùs confessa replicauit. Quam cùm secundò iussisse abire, easdemque orationes quas priùs repetere illa non sine suspicione discessit, & sequenti die reuersa, audiente quodam clero cognato, quē secum adduxerat, in hæc verba prorupit: Ecce dominus iste, me digito demonstrans, adulteria mihi imponit, ego domino Episcopo conquerar de illo. Cumque verbis illius satis essem iniuriatus, nec tamen motus, solus soli cū multa modestia dixi: Bona domina, quare peccata vestra absconditis, & quare negatis quod modò dicitis? nunquid non commisistis adulterium in tali loco, & cum tali viro? Illa intelligens crimen me non latere, tandem ad se reuersa, satis humiliter respōdit: Domine verū est, ego cū tali viro adulteriū commisi, parata sū pœnitētiā suscipere, & de cetero castè viuere: sicq; factū est, ut quę peccatrix ve-

nerat,

merat, plebani industria iustificata rediret. Si non fuisset a confessore prodita, fortè nō esset iustificata. APOLLONIVS: Si non licet confitenti personam peccati confessorem, nisi in tali vel in simili casu prodere, quid sensis de confessore? Licet illi in aliquo casu peccata confessantium siue personas ipsas confessentes prodere? CÆSARIVS: Peccata quidem confitentium in multis casibus prodere poterit, tacitis personis; ipsas verò personas prodere non debet, nisi in uno casu, quem infra hoc quinquennium dominus Innocentius Papa tali modo determinauit:

## CAPUT XXXII.

**I**N domo quadam Cisterciensis ordinis, monachus quidam sine ordine celebrauit: hoc cùm die quadam Abbatij suo retulisset in confessione, nec tam cessare vellat à tanta præsumptione, Abbas dolorans ac lacrymans, ut à blasphemia tam magna desisteret, miserum rogauit, monuit, & præcepit; sed nō profecit. Ille verò timens notari, si cessaret, celebravit ut prius. In sequenti capitulo generali Abbas idem proposuit casum eundem, interrogans quid faciendū foret confessori, si fortè tale quid in aliqua domo emergeret. Cumque dominus Cisterciensis & cæteri Abbates super hoc nihil auderēt diffinire, casum scriferunt Innocentio Papæ; qui conuocans Cardinales, virosque literatos, casum eis proposuit, & quid de hoc sentirent, à singulis requisiuit: Omnip. penè in hoc sentientibus, quod confessio non esset prodenda, respondit; Ego dico in tali articulo esse prodendam; quia talis confessio nō est confessio, sed blasphemia; nec debet confessor blasphemiam tantam ac insaniam celare, per quam periculum incumbere poterit toti Ecclesiæ. Et placuit sententia omnibus, scripsitque sequenti anno capitulo, quod à se fuerat determinatum, & à Cardinalibus approbatum: Nec debes dubitare, quin confessores multum torqueantur, cùm tale quid audierint, quod soli portare non possunt.

CAPUT

Cōmu-  
uis do-  
ctrina  
Theolo-  
gorum  
(iuxta  
gus con-  
fessores  
est decre-  
to Confis-  
lij Late-  
ranensis,  
sub hac  
eadem  
innocen-  
tio 3 ce-  
lebrati  
cap. 21.)  
contra-  
rtum te-  
nes: Vid  
etiam  
Nauare.  
in cap.  
sauer.  
dos. de  
pœnit.  
dist. 6.